

**Najib Ucap Terima Kasih Kepada Pengunjung Rumah Terbuka Beliau
Bernama
10 Ogos, 2013**

KUALA LUMPUR, 10 Ogos (Bernama) -- Datuk Seri Najib Tun Razak mengucapkan terima kasih kepada seluruh rakyat yang sudi datang ke majlis rumah terbuka beliau pada Hari Raya Aidilfitri pertama Khamis lepas.

"Semoga silaturrahim yang terjalin antara kita rakyat Malaysia dapat dikekalkan untuk selama-lamanya, tahun depan kita jumpa lagi," kata Perdana Menteri melalui laman sosial Facebook dan Twitter beliau.

Kira-kira 85,000 pengunjung tempatan dan warga asing hadir ke majlis itu di kediaman rasmi perdana menteri, Seri Perdana, Putrajaya.

Ia acara rumah terbuka kali kelima dianjurkan perdana menteri dan menteri-menteri kabinet di Seri Perdana.

-- BERNAMA

Copyright © 2013 BERNAMA

Source: <http://www.bernama.com/bernama/v7/bm/newsindex.php?id=969223>